

nifestè obtundant; & intra corpora nostra sumpti Stranguriæ acrimoniam mirè tollant: Ideoque; in Febre Hæctica, & exindè orta Atrophia, ubi massa sanguinis succo alibili, blando, subdulci, & oleoso privata acescit, fervet, & nutritionis penum nimis parcum, aut depravatum suppeditat, apprimè reperitur utile: & assumatur bis in die.

Fusculum Phthysicum.

R. Conf. Ros. rub. ꝑiv. Rad. Symph. maj. ꝑij. Raf. C. C. ꝑj. Capil. Ven. M. j. Pulmonar. macul. M. ij. Plantag. M. fs. Passul. maj. ꝑij. Dactyl. N. iv. Coq. cum Pullo Gallinaceo & Frustulo Colli Vervec. & Micæ Panis albi ꝑiij. in Aq. q. f.

Post coctionem, colaturam, & pinguedinis ablationem, sumatur scutellum bis terve in die.

Lapis Alexiterius.

R. Succini, Coral. rub. ā ʒfs. Antimon. diaphor. Rad. Contray. Ocul. Cancr. ā ʒj. Chel. Cancr. ʒfs. f. Pulv. super Porphyritim lævigandus, qui Gelatinâ C. C. exceptus form. in Globulos. Addi possunt Amb. grif. gr. xij.

Lavamentum Hydropicum.

R. Sp. Vini rectific. ꝑiij. Sp. Lavend. ʒj. Pil. Coch. maj. ʒfs. Opii crudi ʒij. m. pro Lavamento.

Per se usurpari potest; vel (quòd melius) misceatur cum æquali quantitate Ol. Fl. Sambuci per Infus.

Efficax habetur Remedium contra Tumores Aquosos; Abdomen puerorum tumidum; & Pedes Hydropicè tumefactos; si benè inungantur Partes, coram igne luculento, bis in die. Neque ullum erit Grangrænæ periculum ex hujus usu; quoniam (ob particulas spirituofas) calorem nativum fovet; Poros partium aperit;

&

& Lympham viscosam stagnantemque aut expirare facit; aut circulanti languini restituit. Ita Communicator.

Laudanum Hystericum.

℞. Laud. Lond. Asæ fact. ā gr. ij. Ol. Succini gut. j. m. f. Pilulæ ij.

Linimentum Aluminosum.

℞. Alum. crudi, & usti pulv. ā ʒij. Boli, Ter. Japon. ā ʒj. Ol. Saffaph. gut. vj. Mel. Ros. q. f. m.

Ad Gingivas Scorbuticè affectas, putridas, fungosas, flaccidas, cruentas, minusque, dentibus adherentes.

Linim. de Bryonia.

℞. Succ Rad. Bryon. albæ ʒj. Ol. Oliv. ʒss. Salis ʒij. Mercur. crudi ʒij. bulliant ad succorum consumptionem: postea col. & separetur Oleum à Mercurio, eo inungatur pars affecta ineunte somno, supposita lana succida.

Ad strumas resolvendas, & minuendas.

Linimentum Cephalicum.

℞. Ol. Nuc. Mosc. express. & Ol. Palm. ā ʒiss. Ol. Garyoph. Rosismar. Salv. ā ʒj. m.

Ad Capitis debilitatem, dolorem, hebetudinem, Affectus frigidus, pituitosos, & Catarrhos. Utrum verò externè applicata Cerebrum ipsum afficiant nec nò, equidem dubito: Illud enim intra Cranium (quasi pixidem osseam) adeò securè & strictim includitur, ut cum Pericranio vix ullam habere communicationem suspicer: Utut verò ista res se habuerit, multi tamen possunt esse Pericranii primariò affecti casus, qui externorum usum permittunt, & postulant; Atque licèt materia Catarrhi non defluat è Cerebro; nihilominus Defluxionum origo ferè

rè à Sincipite, & è summo Vertice ducitur, in quo humor extra Calvariam, & subter Cutim, congeri solet, qui per Pericranium in adhaerentem membranam destillat; ac demùm in Oculos, Aures, Maxillas, Cervicem, Dentem, Uvulam, &c. irruit.

Nil mirùm verò tenues hosce Humores ità descendere posse; cum Sanguini etiam ipsi (quando ob contusionem, & vasorum rupturam ibi suffunditur) meatus sat faciles patent. Ita enim Meekren (in Epist. ad Barbette.) In aperto Cranio P. Jacobi, sententiam Tulpii veram invenit; In Vulneribus nempe Capitis, Sanguinem, per Aures copiosè sæpius effluentem, à superiori Capitis parte sensim intra Cranium & Pericranium descendere; sicque simul spatium quod est inter Os Parietale & Petrosim intrare: inde ulterius transcolari (quali per cribrum) in meatum auditorium.

Linim. ad Contracturas.

℞. Medullæ crur. Cerv. depur. Adipis Caninæ, Ol. è ped. Bov. Ol. Lumbricor. à ʒi. Sperm. Ceti ʒij. Ol. Anisi gut. xvij. m.

Quando, Tendines, aut Membranae sunt contractae, rigidae, inobedientes & nodosae, leves hujus Linimenti particulae fibrillas arefactas humectant, lubricant, relaxant, & extensibiles de novo reddunt: eundem juxta modum ac videmus Corium exsiccatum, induratum, & contractum, oleorum embrocatione in molliem, flexibilitatem, & expansibilitatem debitam rursus restitutum.

Linimentum Frontale.

℞. Ung. de Alabastro ʒij. Ol. Ros. ʒvj. Opii gr. xvj. Camph. gr. viij. Ol. Nuc. Mosc. gut. iv. m. fron-

Fronti & Temporibus adhibeatur, ad Somnum conciliandum, & Cephalalgiam demulcendam. Locum habet verò, non quando causa est in Cerebro ipso, sed in partibus duntaxat Externis: atque de eo certi sumus, si Frons multum caleat, & Dolor sit pulsatilis.

Linim. Hemorrhoidale.

R. Ung. Popul. ℥ij. Ol. Ovor. ʒvj. Sacch. Saturni ʒij. Opii. gr. viij. Ol. Succini gut. xvj. m.

Hæmorrhoides cæcæ fiunt propter mucosam, crassam materiam, stagnantem, vasa obstruentem, & circulationem prohibentem; exindèque necessario Tumorem, Tensionem, Inflammationem, & Dolorem, excitantem. Atque hoc Linimentum idèò multum prodest, quòd attenuat, discutit, dolorem sopit, inflammationem sedat, & vasa varicosa ad justum tenorem contrahendo reducit.

Linimentum Foelis.

R. Ferruginis ʒj. Mellis Ros. ʒj. Aceti ʒss. ad Aceti consumptionem coquantur, usque per se refrigeratis admisceantur pul. Aluminis usti ʒij. Mastic. Thur. Myrr. ʒj. m.

Ad Gingivas ulcerosas, & putridas, post lotionem cum Gargarismo (è fortioribus, & putredini resistentibus parato) petia huic intincta partibus aliquoties applicentur.

Linimentum Laterale.

R. Ung. Dialth. ʒvj. Ol. Lil. Ol. de Laterib. ʒ ʒij. Camph. ʒss. m.

Lævigat, lubricat, & in ordinem componit fibrillas, quæ (ob spasmos dolorificos) tensas, rigidas, & confusâ serie corrugatas se habentes, canaliculos internos torquendo depravant, & spiracula cutanea stringendo obferant. Dein
por-

porò, liquat, exagitat, & discutit lympham gelatinosam, minutilos partium transitus obstipantem, Cruoris itinera præpedientem, & inflammationem inducentem. Atque his modis, cum poros aperit, circulationem restituit, inflammationem tollit, & dolorem sedat, summè conducatur necesse est in cruciatibus lateralibus, quando Musculi præsertim, & partes externæ afficiuntur. In Vera autem, interna, membranosa Pleuritis, & Peripneumonia, nunquam vel minimum quidem opis attulisse adhuc memini; neque eò usque pertingere posse verisimile est. Pannus Wallicus hoc calido imbutus super locum dolentem applicetur; & illinitio bis in die repetatur.

Antequàm Linimentis aut Inunctionibus utemur, conducet fovere partem spongiâ Decoctis attenuantibus & discutientibus imbutâ; ut & Inunctiones altius penetrent; & materia ab actuali & potenciali calore attenuata, aut per se dissipari possit; aut medicamentis è corpore educatur.

Linimentum Paralyticum.

℞. Ung. Martiati ℥ij. Petrol. Ol. Spicæ ā ℥iij. Pul. Euphorb. ʒj. Ol. Succini ʒiſs. Ol. Rorifmar. ʒiſs. m.

Membrum resolutum hoc Linimento fortiter affricetur bis terve quotidie; ad Nervos sc. succo viscido obstructos deobstruendos; & Spirituum irradiationem redintegrandam; ad Fibras, laxè conniventes, in ordinem vindicandas; & tensionem ritè tonicam iis conciliandam; atque ad Sanguinis cursum per partem promovendum; & Calorem naturalem resuscitandum. Summè notandum verò, aliquando usû venire, partem Paralyticè affectam, ab intensè nimis calidis, rigi-

gidam contracturam, cum maximo ægrotantis damno, pati: Idque tunc præsertim evenire duxi, cum temperamentum adest calidum; & Resolutionis causa non in parte Resoluta ipsa, sed in Cerebro, aut Membro longè distito subsistit; undè pars satis ex se sana, & ritè conformata, solummodo per Eclipsèos modum patitur. In isto enim casu, si immoderata, & ultra quàm partis temperies ferre potest, adhibeantur calentia, & exsiccantia, Fibras motrices torrendo, siccando, & contrahendo, Spiritusque infusos dissipando, noxam illis ægrè curabilem inferre queant; ad Motum quippe illæ omninò sunt ineptæ, nisi molles, flexiles, humidæ, & lubricæ persitent.

Linim. Spinale.

℞. Urinæ sanæ, Vini Moscatel. Ol. è Ped. Bov. ā ʒij. Sperm. Ceti ʒij. Mac. ʒj. Coq. ad ʒiv. & col.

Ad Rachitidem quidam hoc habuit pro Secreto, quo Spinam Dorfi, à Nucha primùm ordiendo, atque deinceps successivè descendendo, conficere solebat. Quoniam hic morbus à Medullæ Spinalis obstructione & debilitate oritur, Unguenta Corroborantia, & Aperientia, proficua: sed quoniam Infantes solummodò tenellos, & carnè flaccida donatos, invadere solet; non impensè calida in usum duci debent.

Linimentum Volatile.

℞. Ol. Amygd. dulc. ʒj. Spir. Sal. Armon. q. s. ad consistentiam continuâ agitatione in mortario marmoreo perfectè uniantur.

Mirè penetrat; & valet ad frigus, laxitatem, obstructionem, & dolores partium nervosarum.

Lintea Somnifera.

℞. Opii ʒj. Dissol. in Aq. font. ℥ss. Huic Lin-
tea mollia intinge, & sicca, ad tertiam vicem.

Deinde ℞. Aq. Regin. Hungar. ʒiij. Spir. La-
vend. comp. ʒi. Ol. Nuc. Mosc. Garyoph. ā gut.
xvj. Ol. Rhod. gut. ij. m. & huic intinge eadem
Lintea, & sicca.

Fronti Linteum alligetur : & si Somnus ju-
sto longior acciderit ; Frons lavetur cum Aceto,
vel Spiritu Sal. Armon.

Litus ad Aphas.

℞. Sperm. Ceti ʒij. Ol. Nuc. Mosc. expr. ʒj.
Butyri recent. sine sale ʒss. Vitel. Ov. N^o. j. Cre-
tæ albæ lotæ ʒj. Mel. Ros. q. f. m. f. Litus.

Litus Facialis.

℞. Fell. Bov. N^o. iij. Sp. Vin. rect. ℥iij. Extrah.
Tinct. quæ ad Mellis consist. exhal. Tum dissol-
ve totum Extractum in Succo Limon. ʒij. Adde
Mercur. dulc. pul. ʒiij. Sal. Vitrioli ʒij. Borac.
Ven. ʒj. Fæcul. Ari. ʒiss. Digere ad Solem 4. dies ;
f. col. quæ exhalet ad Mellis consistentiam.

Ad Maculas Ephelides, Lentiginem, Rubo-
rem, Pustulas, Guttam Rosaceam, & Faciei
quæcunque detur pamina, illinatur parti ter in
die.

Litus Infantum.

℞. Aq. Rosar. Damasc. ʒij. Vitel. Ov. N^o. j.
Sacch. alb. cribellati q. f. m.

Ad Oris erosiones, & Aphas.

Litus de Laccâ.

℞. Pul. Gum. Laccæ ʒiss. Boli Arm. ʒj. Alum-
crudi, & ulli ā gr. xv. Aq. Regi. Hungar. ʒiss.
Tinct. Benzo. ʒss. Mel. Ros. col. q. f. m.

Ad Dentes coriosas, & Gingivas purulentas.

Lixiv. de Calce.

℞. Ciner. Absint. ꝑ̄xij. Aq. Calc. Vin. alb. ā ꝑ̄iv.
 Infunde levi calore xij. horas, & liquor sæpè
 per pannum Wallicum transcolando depuretur.
 Sanguinem Sale muriatico abundantem corri-
 git: & Diuresin promovet. Valet ad Hydro-
 pem, & præsertim in Phthisi, ubi pedes tument.

Lixivii Hydropici ꝑ̄iv.

℞. Ciner. Genistæ, & Cort. Fabar. ā ꝑ̄ij. Suc-
 ci Petrosel. ꝑ̄iv. Vini albi ꝑ̄iv. f. Lixiv. Col. adde
 Sal. Tart. ꝑ̄j. Lig. Sassafr. ꝑ̄j. Bac. Lauri, Junip.
 Sem. Dauci Sylv. Sinap. Cymini, & Anisi con-
 tuf. ā ꝑ̄ss. Infunde frigidè 2. dies. Col. adde Aq.
 Raph. comp. ꝑ̄iv. m.

Ebibantur ꝑ̄iv. bis in die, singulis Dosibus ad-
 dendo Spir. Cochl. gut. xxx.

Loboch. de Allio ꝑ̄ij.

℞. Lohoch san. ꝑ̄ss. Allii cond. (secundùm
 Pharm. Bat.) ꝑ̄ss. Gum. Ammon. (Vino albo so-
 lut. & col.) ꝑ̄j. Pul. Ari comp. & Myrrhæ ā ꝑ̄ss.
 m.

Materiam crassam, Bronchiorum tubis, quin-
 imò & Tracheæ vesiculis ultimis impactam, po-
 tenter incidit; illamque dein, Fibras motrices
 pungendo, (Tussimque provocando) fortiter
 exterminat. Allium enim particulis acribus, vo-
 latilibus, tam mirè penetrantibus, omnia perva-
 dentibus, & stimulantibus donatur, ut ejus odo-
 rem (inquit Bonnet) exhalando Fonticulos per-
 vadere, & eorum labra incidendo vellicare,
 comperiamus. Et (observante Lowero) si Em-
 plastra ex Allio contusò Pedum plantis applicen-
 tur, Oris halitus Allium spirabit. Hoc verò re-
 medium minimè convenit, ubi datur Catarrhus
 tenuis acris; Sputum cruentum; Constitutio

calida; Sanguinifve aut Præcordiorum aestuatio.

Loboch Anginosum.

℞. Alb. Canis subtiliter pulv. & creti ꝑj. Mell. liq. col. ꝑiij. vel q. f. Spir. Sal. Armon. q. f. ad acorem intensum. m. & quoties acor. iste exhalando perierit, addatur denuò Spiritus.

Loboch Apoplegmatici ꝑiv.

℞. Syr. Hyssopi ꝑiifs. Ol. Amygd. dulc. ꝑj. Ol. Anisi gut. ij. Tinct. Myrrhæ ꝑj. Pul. Rad. Ireos Florent. Div. Flor. Benzo. ꝑfs. Pul. Nicotianæ gr. iv. Spir. Sal. Armon. gut. xvj. m.

Partes pungendo, Salivam limpidam alliciendo, Pituitam crassam incidendo, Glandulas exonerando, & vias lubricando, Phlegma viscidum è Gula educit; atque usui est, quodocunque Uvula, Parotides, & Gulæ partes internæ tument; Saburra mucosa aggravantur; & quando fcreatus fuerit provocandus; & Tussis deficiens arte revocanda.

Loboch Asthmatici ꝑivfs.

℞. Syr. Hed. terr. De Prassio ā ꝑifs. Oxym. simpl. ꝑj. Pul. Ari comp. Rad. Ireos, Gum. Ammon. (Aq. Cinnam. fol. & col.) ā ꝑj. Elix. Propr. cum Ol. Sulph. parati) ꝑfs. Flor. Benzo gr. xij. m.

Viribus insignitur iisdem ac illud de Allio; nempè potenter incidit; Tussim provocat; & expectorat: hoc verò obtinet privilegii, quòd Sanguis massam non exacuat, aut accendat atque id propter crasi calidâ constitutis, & actu febricitantibus (uti sunt Asthmatici) magis est idoneum.

Loboch Balsamici ꝑiij.

℞. Bals. Tolut. (pulv. & solut. in Vitello Ovi) ꝑfs. Loboch. fan. ꝑj. Bals. Peruv. gut. iv. Syr. Tussilag. q. f. m.

Integrè possidet omnes illas dotes, quæ de Ele-
ctuario Balsamico supra memorantur; hoc ta-
men cum auctuario, quòd quoniam palato longè
magis gratificatur, delicatulis, nauseantibus, &
Copiivi amarorem horrentibus, commodius of-
fertur.

Loboch Bechicum.

℞. Troch. Bech. nig. pulv. & cribrat. ℥ij. Lo-
hoch. fan. ℥ss. Syr. Jujub. q. s. m.

Acorem obtundit; irritationem sedat; obli-
nit, lubricat, inraffat, & maturat. Tunc præ-
fertim ex usu est, cum Serum acre, & tenue,
è glandulis extillans, Laryngem continuò titil-
lat, & Tussi perpetim recurrenti crudeliter fa-
tigat.

Loboch Commune.

℞. Troch. Bech. alb. pul. ℥iij. Ol. Amygd. dulc.
Syr. de Alth. ā ℥iiss. m.

Partes Gulæ, æstuentes, torrefactas, & aspe-
ras, magis refrigerat, humectat, & lubricat,
quam superius illud Bechicum: momento mi-
nus autem oblinat, inraffat, & maturat. Febri-
citantibus, Gulæ asperitate, deglutiendi diffi-
cultate, aut Raucedine affectis; item Tussi, à
materia medio modo inter crassam & tenuem
constituta, vexatis, utilissimè præscribitur.

Loboch Enulati ℥iv.

℞. Pul. Rad. Enulæ. Ireos Florent. Glycyrrh.
Terræ Japon. ā ℥ij. Ol. Anisi gut. ij. Syr. de Me-
con. ℥iij. vel. q. s. m.

Mixto modo operatur; sc. primò materiam in
Gulæ aggestam attenuat, & educit; deinde irri-
tationem sedat, ulterioremque feri acris extilla-
tionem refrænât; atque tunc præcipuè indica-
tur, quandò materia Catarrhalis leuè defluit;

& aggestionis, potiùs quàm acoris, ratione, Tussim excitat: qualis est ista Tussis, quæ manè potissimum reperere solet; & saburrâ aggravante plenariè evacuata, per totum diem inducias concedit; nequè multùm indè ampliùs antè fatigat, quàm nova colluvies ad turgescentiam deposita eam denuò refuscitet.

Loboch Haly ꝑij.

R. Pul. Haly recent. parati ꝑss. Diacodii q. f. m.

Potentissimè incrasat, Acorem obtundit, partes demulcet, & titillantem Tussim sedat; atque ita Catarrho tenui præcisè appropriatur. Phthysicis quidem confert, non diffitear; illud verò secundariò tantùm, quatenùs nempe Tussim gutturalem placat, quæ continuâ succussatione Pulmones aliàs exagitare, & (antriæ in modum) serum acre in eos attrahere solet; non verò primariò Pulmones afficit, in quos descendere nequit. Aspera enim Arteria, quâdam Naturæ providentiâ, nervea membrana tam exquisiti sensûs intus coöperitur, ut nihil omninò (præter aërem) ne guttulam quidem aquæ limpida, nedum vel Salivæ ipsius (quamvis congeneris adeò liquoris) absque gravi molestia, & renitentia, admittere possit; eamque statim totis viribus, & strangulatoriis nixibus, rejicere conetur. Ratum ergò habeatur, quòd nullum Eclegma, nequè quicquam aliud medicamenti (præter Vapores, & Suffitus) in Pulmones directè & immediatè convehatur: & quodcunque remedium eos maximè afficit (uti Balsamica, & Volatilia) mediatè solùm, & per Sanguinis curriculum (neque Natura aliam novit viam) in Ductus Tracheales suffundatur.

Lq.

Loboch Hemoptoicum.

℞. Aq. Ros. Damasc. Aceti acidissimi ꝑ̄ ꝑ̄ss. Album. Ovor. conuassat. No. ij. Syr. Boy. ꝑ̄j. Inter commiscendum in mortario, sensim adde pulv. Amyli q. s. ad consistent. debitam. m.

Loboch Japonicum.

℞. Pul. Ter. Japon. ꝑ̄ij. Album. Ovi conuass. ꝑ̄vj. Syr. de Syriaph. q. s. m.

Optimè meretur aduersus Hæmoptoen; Sanguinem enim refrigerat, & incrassat: Tussim catarrhalem, Pulmones lacerantem, sistit; vasorumque ora rapta, & dehiscencia, claudit, & obsignat.

Loboch Incrassans.

℞. Pul. Rad. Alth. ꝑ̄ij. Flor. Sulph. ꝑ̄j. Gum. Arab. pul. ꝑ̄ss. Alb. Ovi conuass. ꝑ̄j. Syr. Alth. q. s. m.

Egregiè prodest in omnibus Defluxionibus calidis, te nuibus, aeribus, & fallis, in Atpe-ram Arter iam, suffulis, & continuâ tulli intom- nium creatibus.

Loboch Levigans.

℞. Syr. Alth. Alb. Ovi conuass. ꝑ̄ ꝑ̄j. Sacch. penid. ꝑ̄i s. m.

Febticitantibus, contra Linguae, Faucium, & Gutturis æstum, siccitatem, scabritiem, rigiditatem excoarationem, & dolorem, à Salivæ, vel deficientis, vel depravatæ, culpa ortas, solatio est insigni, & adjumento.

Loboch de Lino.

℞. Ol. Lini recens. expref. Pul. Sacch. candi albi, Syr. è succo Hed. terr. ꝑ̄ ꝑ̄ss. Pul. Ireos Flo- rent. ꝑ̄j. Flor. Sulph. ꝑ̄ss. Tinct. Gum. Ammon. gut. ꝑ̄ij. Ol. Amilugut. iv. Sal. C. C. volat. gr. vj. m. P̄alegma crassum incidit; Expectorat; & op-

timè infervit adversùs Pleuritidem, & Orthopneeam.

Loboch Lucatelli.

℞. Conf. Ros. rub. ℥ij. Conf. Fruct. Cynosb. ℥j. Palf. Lucatel. ℥ij. Syr. & Symp. q. f. m.

Quamvis Eclegmatum descensum immediatum in Pulmones suprà pernegaverim; eorum tamen in eos (mediante sanguine) admisionem animatus astruxi: hicque jam subnectere libet, omnia vera Pulmonica ex ejusmodi particulis constare, quæ in cruorem suffusæ, à massa sanguinea subigi, & assimilari nequeunt; & quia non miscibiles sunt, denuò statim exterminatæ ex Arteriis Pneumonicis, in Ductus Tracheales penetrant; ibique variè, pro varia quâ pollent indole, operationes edunt: ita Volatilia incidunt, aperiunt, stimulant; & Balsamica Tubercula discutunt, & distentiones rupturasque sanant. Sed speciatim, ut de hujus Balsamici Linctus virtutibus breviter dicam; Tussim gutturalem, Pulmones exagitantem, & lacerantem, sistit; Vesiculasque Tracheales tumidas, tensas, & læsas, detergit, & sanat.

Loboch Mucilaginosum.

℞. Sem. Psylli, Cydon. à ʒiʒs. Decoq. in Aq. Ros. q. f. ad Mucilaginis extractionem; col. ʒiv. adde Alb. Ov. conquass. No. j. Sacch. candi albi pulv. ʒv. m.

Hoc viribus æquat, forsàn & superat, suprà dictum Loboch Lævigans.

Loboch Myrrhisatum.

℞. Myrrhæ pulv. ʒij. Croci ʒs. Nuc. Mosc. ʒss. Mellis ʒij. m.

Fido huic Thoracico concessum est; ut (mediante sanguine) ad intima Pulmonum penetra-
lia

ha promptè admittatur; ibique materiam crassam impactam resolvat; putredinosam corrigat; tubulos, & vesiculas detergat; tubercula dissipet; excoriationses, minutilasque continui solutiones fanet; totos Pulmones balsamo condat: fibrifque tonum roburque impertiat. Phthisicis (ut compendio agam) primo adhuc stadio versantibus optatissimum est, præstantissimumque perfectò remedium.

Loboch Oleosi ʒivss.

℞. Ol. Amygd. dulc. Syr. Capill. Vener. ā ʒiss.
Pulc. Sacch. candi albi creti ʒj. Glycyrrh. ʒss. m.

Loboch de Olibano.

℞. Pul. Olib: ʒj. Fl. Balauft. ʒj. Mel. Ros. ʒij.
Sp. Vitrioli q. f. m.

Faucium & Gulæ excoriationibus sanandis commodè infervit.

Loboch. Peruvianum.

℞. Lohoch. sani ʒiss. Balf. Peruv. ʒj. Vitel. Ov. ʒiij. m.

Loboch. Pleuriticum.

℞. Syr. Papav. errat. Ol. Lin. ā ʒij. Ol. Anisi gut. ij. Sacch. ʒij. m.

Idoneum est in vera Pleuritide, & Peripneumonia, (anhelitus difficultate, & sputo cruento comitata) dolorem lenit, aperit, maturat, vias lubricat, & expectorat.

Loboch Puerperarum.

℞. Sperm. Ceti ʒij. Pulv. Balf. Tolut. ʒj. Balf. Peruv. Tinct. Benzo. ā ʒss. Vitel. Ov. N. o. j. Sacch. candi albi cribellati ʒij. Syr. Alb. q. f. m.

Loboch ad Raucedinem.

℞. Sperm. Ceti ʒss. Sacch. alb. ʒj. Optimè simul contulis in mortario sensim adde Syr. Balf. ʒiij. q. f. m. f. a.

Loboch Rubrum.

℞. Conf. Fruct. Cynosb. ʒiſs. Syr. Bac. Samb. Ol. Amygd. dulc. ā ʒj. m.

Elegantissimum viſui, & jucundissimum gustui, hoc Lohoch, Fauces, & Gulam, torrefactas, asperas, rigidas, contractas, ferè combustas, rimis, fissuris, & excoriatione affectas, grato mucore obducit; oleositate leni imbuit; Sapores in ore perceptos odiosos obliterat; Salivæ acrimoniam minuit; Sitim fallit; partes reddit lubricas, & flexiles; Deglutitionemque faciliat. Memini cujusdam Variolis miserè decumbentis, qui avidissimè hunc Linctum devorabat; tamque ardentè illi inhiabat, ut sine suo Aureo remedio (quo titulo illum honestabat) se vivere non posse, clamanter sæpè & urgenter profiteretur. Novi etiam Infantulam unum annum natam, tussi violentissimâ ad interneconem ferè conflictantem, hoc unico Linctu citò & perfectè curatam.

Loboch de Spermate Ceti ʒiv.

℞. Troch. Bech. alb. Sperm. Ceti ā ʒiſs. Ol. Amygd. dulc. Syr. Balsam. ā ʒiſs. Conf. Fruct. Cynosb. ʒvj. m.

Felici cum successu exhibetur ad Tussim Catarrhalem ferinam, quæ acerbam Pectoris tenebritudinem & excoriationem induxit. Acorem namque obtundit; partes lubricat; & mirificè sanat.

Loboch Stypticum.

℞. Syr. de Symph. Ol. Lini ā ʒj. Croc. Mart. astring. ʒiv. Sacch. Saturni ʒj. Sacch. candi albi pul. ʒiſs. m.

Ad Vomitum Sanguinis, Sputumque cruentum apprimè utile. Cautiones verò Circa Astringen-

gentium usum in Hæmoptysi vide sub titulo Infus. Ros. Comp.

Loboch Viride.

℞. Sapon. Ven. ras. ℥ij. Ol. Amygd. dulc. Syr. Viol. ā ʒj. m.

Laryngem irritando, Tussim provocat; & (ultra omnia ferè quibus datur Respublica Medica) vias lubricat; & Excreationem facilem, promptam, & expeditam, reddit.

Loboch Vitellinum.

℞. Sperm. Ceti ʒiʒs. Subigatur in mortario cum Vitel. Ov. N. j. & adde f. a. Ol. Amygd. dulc. Syr. Alth. ā ʒj. m.

Usui est contra Oris & Linguae æstum, siccitatem, erosionem, fissuras: item contra Tussim catarrhalem, & Raucedinem, cum fructu præscribitur.

Atque hic, ad calcem Eclegmatum. Notatiunculas quasdam de Pectoralibus, forsitan non omnibus passim clarè & distinctè perspectas, nec Practicantibus omninò observatu inutiles, libentissimè subnectam.

Primò Dulcia, Mucilaginosà, Incrassantia, licet Excreationem Pituitæ è Gula ipsa juvare possint; licet etiam Sanguinem molliorem reddant; Humoresque ad Maturationem, & Evacuationem disponere queant; Nil tamen omninò (proprie loquendo), è Thoracis profundo exhaurire valent: atque ideò quoties Sanguis est effusus, & in Pulmonibus subsistit faburra crassa eliminanda; perperam & pessimè præscribuntur: Sanguinem enim mucosò gravi chylo ulteriùs inquinabunt; Pulmonesque ipsos copiosiori adhuc recrementorum colluviè referent.

Secundò, Acrìa stimulantia, quæ in Pulmones

nes non verè descendunt; sed solummodo Laryngem titillando, pungendo & irritando, Tussim excitant; exindeque Pulmones per consensum exagitando, humores ex iis secundario excutiunt; hæc, inquam, materiam duntaxat fistulis pneumonicis laxè fluitantem exantlant: atque ideò frustra tentantur, quoties materia copiosa tenax Bronchiis & Vesiculis adest impacta: quinimò & sæpè damnosè usurpantur, quia Pulmones inutiliter fatigant; eorumque tonum necquicquam labefactant.

Tertiò, Nulla dantur (propriè dicta) Expectorantia, præter Volatilia, & Balsamica: atque hæc non directè per Tracheam delapsa, sed per Sanguinem circulantem advecta, in Pulmonum vasa, & intimos recessus, suffunduntur; eaque sola penes est Phlegma tenax, & materiam purulentam gypseamque, è Bronchiis, Vesiculis, & Tuberculis crudis submovere, & exterminare: atque ideò ubicunque conjectura Medicus assequitur, Phthiseos verè fundamina cuiuspiam jam in Pulmonibus jacta esse: futilibus aliis quibuscunque posthabitis, his primariò & præcipuè insistendum esse usus postulat; atque ille qui secus fecerit, Experimentiæ scutica ferò percutietur.

Lotio Aromatica.

℞. Sal. Tart. ʒiʒ. Lig. Sassafr. ʒij. Coq. in Aq. font. lbv. ad lbiv. Col. adde Herb. Serpil. Majoranæ, Rorisinar. Lavend. ā M. j. Sem. Sinap. ʒiʒ. Mac. Nuc. Mosch. ā ʒiʒ. Garyoph. ʒj. Infunde super ignem duas horas in vase clauso.

Col. calida vel cum panno (aut spongia) Capiti applicetur. Vel per clepsidram, (aut gutturnium) Capiti instilletur, vacuo ventriculo. Et lotionè peractâ, pannus Linimento Cephalico

eo illitus, ac Thure accenso fumigatus, Capiti adhibeatur :

Ad Affectiones Capitis frigidas.

Lotio Camphorata.

℞. Camph. incis. ℥ij. Teratur in Mortario vitro, sensim affundendo Succo Limon ℥j. Dein adde Vini albi ℔j. Coletur ; & Camphora residua, petiâ ligatâ, in vitro suspendatur.

Ad Faciëi Maculas, & dehonestamenta discutienda.

Lotio Cephalica.

℞. Fol. Lauri, Herb. Beton. Verbenæ, Majoranæ, Rorismar. Lavend. à M. ij. Coq. in Lixiv. ℔vj. ad ℔iv. sub finem addendo Garyophyl. Nuc. Mosc. pul. añ ℥ij. Col.

Vires petantur & Linimento Cephalico ; potentiùs verò discutit, & per Diaphoresin evacuat. Domina quædam perhonestâ mihi retulit se tribus suis liberis balbutientibus Lotionem Cephalicam frequenter adhibuisse ; exindeque factum esse, ut (Vocis Organis ; prout visum, roboratis) inhæsitanter, & rectè, postea loquelam edere potuerint. Spongiâ huic immersâ, & expressâ, Caput rasum calidè foveatur, per horæ quadrantem pro vice, horis matutinis ; frigoris inde susceptionem diligenter cavendo.

Lotio Facialis.

℞. Litharg. Argenti pul. ℥ss. Aceti ℥iv. coq. ad tertias ; & in alio vase coq. Alum. & Salis à ℥ss. in Aq. Ros. ℔ss. ad despumationem : dein misce utrosque liquores.

Maculas dispungit ; Fermentum sædum cutaneum destruit ; Materiam repellit, & intus adigit ; porosque occludit, ne denuò repullulescat. Facies bis in die lavetur ; blandè confricetur ; & per se exsiccati sinatur.

Lo-

Lotio de Cerussa.

℞. Cerussæ ℥ss. Aceti Aq. flor. Samb. añ ℥ij.
Coq. ad ℥ij. Per subsid. depur. col.

Hoc Decocto calido pars lavetur : vel linteolis duplicatis (aut triplicatis) illi intinctis contegatur.

Egregiè extinguit Inflammationes externas, Erythelas, &c. calidasque cutis Eruptiones repellit.

Lotio ad Eruptiones.

℞. Vitrioli virid. Anglic. ℥ij. Alum. crudi ℥ss.
Coq. in Aq. font. ℥xij. ad ℥viiij. continuò despumando. Liquor clarus perfectè depuratus in lagenâ vitrea diu potest asservari.

Lotio ad Erythelas.

℞. Spir. Vini ℥ss. Sacch. Saturni ℥j. m. Expertus laudo.

Lotio Mercurialis.

℞. Pul. Mercur. sublim. ℥j. Pone in vase stanneo cum Aq. ℥iiij. Stent 24. horas (cum spatula lignea subindè agitando) donec liquor nigrescat, ac ita perfet; tandem coletur per chartam, ut fiat liquor limpidus.

Mercurius sublimatus probetur, si affricetur illi Sal Tartari; vel si eidem guttæ aliquot Olei Tartari per deliquium affundantur : tunc enim Mercurius sublimatus (aliàs candidus) si est legitimus, flavus fit; cum contra, si de Arsenico is participet, fiet nigerrimus.

Medicamentum hoc contra Turpitudinem quamcumque Cutaneam insigniter juvat; quatenus nempe humores intra porulos, & foramina (ut minutissima) impactos expedit; Salium & Sulphurum combinationes inveteratas, & pertinaces, dissolvit; totamque ubi applicatur

cutim, quoad meatus ejus male conformatam, restituit, & *υεγω* facit: quapropter non tantum ad Faciei maculas abstergendas; sed etiam ad Pustulas, & Ruborem ejus; nec non ad Affectus Erysipelas *αδεις*, & Puncta in facie nigricantia tollenda, & Animalcula ibi nidulantia necanda, utile est.

Attamen aliquando male cedit, namque Hydrargyri particulae una cum Salibus (a quibus in minutias dividuntur, aciunturque) Faciei applicatae, materiam inde noxiam, & defecatoriam, poris excutiunt, ac depellunt; eam vero intus repercussam insequuntur, & propediem Sanguini, & Nervis (quorum crases laedunt) se facile insinuant: quinimo horum commeatu, saepissime Cerebro, & nonnunquam Praecordiis, Dentibus & Partibus aliis virulentiam suam, non raro postea in debilem, imprimunt.

Hochsteterus Dec. 3. Cal. 4. p. 233. asserit, quod Rumlerus Decocto usus Diaphoretico, & Diuretico, ut Mercurium nimis illitum, in cura Luis Venereae, propulsaret.

℞. Rad. Enulae Camp. ℥ij. Rad. Foenic. ℥iss. Vini ℔ijss. Infusa per diem naturalem coq. ad casum tertiae partis. ℔ij. col. in partes iv. Bibat partem unam mane, & alteram vesperi; ac sudet, coopertus; & exhibit Sudor citrinus; qua potione utendum, donec talis color non videatur amplius. Quidam Theriaca, ejus loco, utuntur.

Est ubi Mercurius; licet Sanguinem haud subintret, tamen phlogosin maculosam tumoremque acrem, & periculosum, externe concitat.

Hoc in casu (venae sectione nequaquam omissa) soveatur pars Lacte calido. Decocto Glycy-

cyrrhizæ & Malvæ; & postea sequenti.

℞. Aq. Calc. ꝑ. xiv. Sp. Vini ꝑ. ij. Troch. alb. Rhaf. ꝑ. s. m.

Wepferus de Cicuta aq. cap. 20. p. 290. hæc habet. Memorabile est quod tradit Kunkelius, nimirum cuidam tenellæ ætatis contra Pediculos suafum fuit Linimentum.

℞. Mercur. dulc. ꝑ. ij. Mercur. vitæ ꝑ. j. Ungu. Pomati ꝑ. j.

Pharmacopæus imperitus, loco Mercurii dulcis, permiscuit Sublimatum: inde Caput valde intumit cum Inflammatione, ut brevi infanti pereundum fuisset, nisi à Medico intellexisset præsentem antidotum Lixivium fortè esse: quo cum linteo applicito, brevi convaluit: ita tamen ut Capilli deciderint.

Lotio Pedalis.

℞. Capit. Papav. albi (cum Sem. contuf.) ꝑ. iv. Fol. Salicis, Herb. Lactuæ, Malvæ, Viol. añ M. ij. Coq. in Aq. & Lact. añ ꝑ. v. ad ꝑ. viij. Col. dissol. Nitri ꝑ. iv. m. In Pelluviis ponatur.

Æger in hac calentissima facta immisus pedibus sedeat per horam dimidiam; deindè lectum petat; & quieti se componens somnum expectet.

Joël vult, ut post Lotionem Plantæ pedum Sale & Aceto simul mixtis asperius confricentur; & Plantæ calido asseri querno applicentur; mirificè enim, eâ ratione, fluentes ex Cerebro humores deorsum evelluntur.

In Febribus plurimum æstuosis, quando Sanguis acer, fervidus, & ebulliens, impetu facto, Cerebrum tumultuariè petit; & Spiritus accendit, inque Distractiones, & Furias agit; unde Capitis ardor, Insurri, bombi, strepitus, conturbatio inexplicabilis, truculentæ rerum imagines, terror, furor, Delirium, & Vigiliæ con-

citantur; in hoc inquam casu Pediluvium, potentia frigidum, & actu calidum, suppetias afferre potest; propterea quod Sanguinis motum Inferiora versus sollicitet; nec tamen eum magis accendit; & conturbat; sed potius e contra, refrigerat & sedat.

Sciendum enim est primò, in Corpore nostro, duos planè distinctos esse Sanguinis Magnos & Provinciales, Circulos; unum nempe per Arteriam Ascendentem in partes supra Confitas; atque alterum per Descendentem, in subter fitas. Secundò, Quò rapidius, & pleniori fluente, Sanguis in Inferiorem provinciam irruat; eò placidius; & minori rivo in oppositam superiorem influere necesse esse; & e contra. Atque hoc fundamentò nititur rationalis doctrina de Revulsione Universali.

At verò hic summè notandum, quòd in Febribus mali, moris, quandò Sanguis non violenter effervesceat, & irruat; sed potius Cerebrum vix satis irrigat & vivificat; etiam & quandò Spirituum inopia, abrupta series, ab invicem distractio, & dissipatio, Vigilias & Deliria pariunt; in hoc, inquam, casu Pedum Lotio prorsus noxia esse deprehenditur; quia Circulum Inferiorem quo magis adauget; eodem dimensò Superiorem minuit; exindeque Cerebrum sanguine & Spiritibus defraudat.

Lotio Pforica.

℞. Fol. Digital. M. iv. coq. in Aq. Calc. ℞iij. ad ℞ij. col. dissol. Sal. Tart. ʒj. m.

Usus & Vires expetantur sub titulo Fotus Pforici.

Lotio Sulphurea.

℞. Sulph. vivi pul. ʒj. Sapon. nig. ʒij. ligata in
pe-

peria suspend. in Aceti ℥ij. per ix. dies : dein in usum adhibeatur, loca affecta bis in die ablundo, & confricando.

Ad Cutim detegendam; & materiem Macularum foras extrahendam.

Masticatoria.

R. Pul. Rad. Pyreth. ℥ss. Mastich. ℥ij. Ol. Garyoph. Origani ā gut. iij. Oxym. Scill. & Ceræ ā q. s. f. Pilæ justæ magnitudinis.

Conveniunt in Catarrhalibus Capitis, & vicinorum locorum Affectibus; item in Uvulæ prolapsu, Dentium doloribus. Licet non immediate evacuant e Cerebro, quia tamen lympham evacuant, & a Cerebro avertunt, secundario opem ferunt in Cephalalgia, Hemisrania, Apoplexia, Paralyfi, Lethargo, &c.

Sæpe etiam Sternutatoriorum vicarii sunt, ubi ea minus tuta sunt; & nihilominus seri uberioris evacuatio per Nares, aut loca vicina, immediate institui debet.

Mel. Passulatum.

R. Uvar. Pass. Malacens. à staminibus & acinis mundat. ℥ij. Uvar. Corinth. lot. ℥j. Jujub. ℥ss. Terantur in mortario. Coq. in Aq. Hord. q. s. f. Expressio fortis, cui per subsidientiam depur. & rursus col. adde Mellis despum. & Sacch. crystal. ā ℥iv. Coq. lento igne, & reduc. ad Mellis consistentiam.

Inter Pectoralia Incrassantia, & Demulcentia præstantiora, locum habere meretur.

Mel. Passulatum juxta Mayerne.

R. Uvar. Passarum ℥iv. Aquæ ℥xij. Macerentur horas 24. Deinde coq. ad remanentiam tertie partis. Col. & colatura decoquatur ad Mellis consistentiam.